

21476

長沙府志

長沙府志

本衙藏板

序

長沙郡志自康熙甲子重修後迄今六十餘載其間政事沿革民風變易偉人逖起著作代興計歲月則游歷

序

三朝沐大化則累承

列聖倘不及時采撫編次成書恐

更歷年所傳聞異辭縱有搜羅纂輯之人必遺殘缺舛訛之弊余客歲奉

命來守庶務少暇取舊志本詳

加披閱見其體例未盡允
協編錄每多缺誤擬於漏
者補之錯者正之未當者
從而改之未載者因而續
之而自顧淺劣殊乏史材
加以器小任重政事填委
鞅掌奔命猶懼不給鉛槧
丹黃度閤久矣安敢妄議
文章之事然湖南巨郡首
列星沙記載久踈勢難姑
緩因而請命

中丞大人暨 司道各憲開

之所蔽芾甘棠風詩猶在
後之撫是邦者可徒握高
牙大纛巍然於庶司百職
且上而置興廢於勿問哉
唯是一切利弊極臣得而
黷之若郡邑之志責歸隕

三

有司司一邑者邑志賴之
司一郡者郡志賴之謂能
周知而灼見也潭守呂君
肅高守長以來殫心吏治
不遺餘力又念郡志久荒
文憲將替自康熙甲子迄

今乾隆丁卯蓋六十有四
年矣所未補應補者尚多
所已悞再悞者不少爰以
續脩郡志請予嘉其脩明
典章垂憲後世之至意允
其請而躉之呂君矢公矢
慎偕諸同人共勸勵事自
夏徂冬凡九閱月而郡志
告竣為門二十有八為卷
五十總若干萬字予披閱
之下見其取類也富無所
遺於見聞之外其核實也

大義燦然希踪古昔而詮
評昭整苛亂不作其難其
慎之衷或不至於吹霜噴
露寒暑筆端述遠則誣矯
記近則回邪如梁劉舍人
彥和之所譏也是序

乾隆十二年歲次丁卯季
冬月知湖南長沙府事加
二級河南呂肅高譔并書



長沙府志序

星羅碁布分隸版圖者

國家之郡邑也天時人事別

異疆隅者方土之故跡也

芻搜遠攬脩存剗劑者志

書之記載也志之作也前

人始其事而創之矣其後

遞增通詳或因或革大旨

不殊而條理各別蓋時勢

使之然也夫耳目之前聞

異時而變態森列況一郡

之大千里之廣其風土人

物消息盈虛經數十年之
久不知若何損益於其間
守舊志而弗脩竊恐蠹簡
殘編缺畧於風激人注之
後而支詞賸詠誇張於踵
事增華之日者未可殫述

二

此舊志之所宜續也湖南
有長沙首郡也嶽麓湘江
山峻水清財賦人文甲於
他邦屹然稱重鎮焉予自
秩宗奉

簡命來撫斯土斯為台伯巡行

館重修預檄各屬於舊志
刊本外廣采旁羅凡所應
補應續者繕本呈送以備
擇錄而諄切囑諭尤在人
物列女二門飭令博採嚴
核勿遺勿濫庶可信今傳

後不致遺譏穢史又以筆
削紀錄名教攸關務期矢
慎矢公鄭重將事爰於開
館之日偕同延請秉筆洛
陽張礪山西寧王九溪兩
先生暨經理鼎務諸人恭

詣城隍神廟焚楮設誓然後舉行自夏徂冬凡九閱月方克竣事九月之中余數過館中商確去取不執意見不事黨同業已參酌點定將次成書矣猶懼間

有缺誤又復屢事行查務求精當余仲冬行部每至一方折簡招致紳士耆民細意諮訪札記而歸查對磨勘方成定本於戲余於茲編雖不敢用文直事核

嚴矣所苟於採擇之中其
尤悽悽於人物列女二門
則又闡揚表彰好善不倦
之心所激昂慷慨而見端
於此者雖以古之良史絜
長量力當不是過予因之

有感焉長沙為古封建興
區宋元以前弗論矣有明
二百餘年承平日久烟火
廬舍如堵如雲雞犬之聲
達於四境蓋相安於猷靡
衣食以樂生送死久矣洎

流氣緯雲洛涇亂離井邑
之邛壘人民之凋敝誠有
目不忍見而耳不忍聞者
今願

列聖相承涵煦鞠育至於百年之
久民生其間熙熙皞皞不

序

六

親兵革之患官是土者所
宜為民保其已然防其未
然使之有備無患而後黃
鳥碩鼠人不作歌渤海頽
川於斯再見豈不盛哉豈
不快哉故覽戶口之盈寧

則魚生聚覩山川之財
則公無樽節聞注歌之清聲
則思鼓舞憂頑梗之無知
則思開導懇勤之源
本補苴罅漏之術不生鋪
張揚厲之習不作上以佐


序

七

聖天子憂勤宥旰之心而下與

吾民共遊於仁壽康阜之
域予嘗自勉更為諸同志
勉之又豈徒撫拾舊聞繼
羅故實稱一代之良史已
哉是為序

巡撫湖南長沙等處地方
提督軍務兼理糧餉兵部
右侍郎兼都察院右副都
御史紀錄二次清江楊錫
綏誤



長沙古禹貢荊州之域三代以來建置割立或離或合考其世次沿革是用禮職方之所事也作郡邑沿革世譜第一國有分野輿地之氣與星相屬有事謫見於天登靈臺而望雲物考順逆而察災祥修省消弭於是乎在作星野第二風土不齊習尚亦異尋險近遠尤形勢之要山川扼塞披圖而見門戶周防之固可知也作地理第三齊其政不異其俗示不擾也世非胥庭江河日下識者憂之聖仁講讓是在風之者作風俗第四指誓山河爰及苗裔屏翰藩垣於是

長沙府志

舊序

一

焉繫世異時殊建置不同親親庸勲之故百世可知也作封建第五長沙地方千里比古大國湖湘上流得人而治揆文奮武之司顧不重歟作連帥監司第六二千石綱紀人倫偕二三僚屬勸元元勵蒸庶漢詔所謹擇也龔黃以下代有作人作郡職官第七百里之命必擇賢者親民而作之牧無踰邑令豈第嗣休與召杜齊聲可已作邑職官第八事事維其有備有備無患郡國之備責在衛所除戎訓旅職惟嚴哉作衛職官第九致治在乎得賢茂才孝廉科目明經事世世異要以得人才襄政治萬世莫與易也作

舉第十先賢過化聲蹟爲昭誰嗣之歌景行之志
可諉也愛之則傳之美之則錄之從民之公云爾作
宦蹟第十一地以人重人不一倫賢聲義槩及異敏
幽貞有一於此名與天壤同敝作人物第十二因地
以出賦因賦以制役初則甚均飛詭隱射輸將不時
憂及守令俗惟偷矣辨物產之厚薄量生民之登耗
於是乎在民數之獻王拜受之可不加之意乎作賦
役第十三履畝之內所出幾何土之沃與瘠可知也
百物以澤量則民氣饒樂矣生物者與地貿遷化居
者與人要之力勤爲本作物產第十四徵繕之事從

長沙府志

舊序

二

古已然然民勞則怨矣君子不盡人力以節愛也師
田行役弗除築鑿必不可已則惟慎所擇哉作建置
第十五官必有職因職課治武衛何治乎士不選練
卒不服習其何以戰魚麗鶴列繕甲治戎軍之善政
也數置弗講可歟作衛治第十六國有四民士居其
首長育人才教學先焉論秀書升則克庸於王國作
郡邑儒學第十七家有塾黨有庠古之遺乎郡邑星
列書院分峙士與士言仁義胥由此矣作郡邑書院
第十八墮神乏祀傳重戒之非其義也不在祀典崇
德黜功則萬民莫不格本明命鬼神爲黔首則意在